

Ayera den terminal di bus:

TURISTANAN MASHA RABIA CU SERVICIO DI ARUBUS!

ORANJESTAD (AAN) -- Tin biaha ta dificil pa compronde e sistema cu Arubus ta traha den e terminal di bus, unda ta parce esun cu tabata encarga ayera atardi (pa mas of menos 5.30) no por a pensa riba prioridad pa manda bus den direccion di hotel.

Ayera atardi, mientras brandweer tabata luchando pa controla e candela fuerte cu a sosode na Oranjestad, debi na biento e huma di candela a haci un efecto horrible den e terminal di bus. Si acaso tabata tin dos bus staciona, y un di nan tabata Palm Beach-Malmok.

Pasaheeronan pa e ruta ey tabata tin bastante entre local (e.o trahador di hotel) y cantidad di turista. Tur hende tabata wak manera di tapa nan wowo y nanishi, pasobra e efecto di huma tabata insoportable.

Hendenan tabata tosa hopi, y algun turista di edad grandi cu tabata warda bus, segun nan pa basta rato, no tabata por soporta mas no solamente e holo pero tosamento cu surgi debi na e huma masha fastioso.

Nan tabata lanta canta pariba pabao y puntra hendenan local si nan sa ta cuant'or e bus ta sali bay pabao. No tabata tin ni un chofer, ni un controlador sinta den e bankinan, siendo cu semper tin di nan ta sinta huntu cu e pasaheeronan. Na dado momento, ora cu un bus a caba di yega y e chofer a baha un rato, un pasajero a acerca e persona aki bise cu tin turistanan ta keha pasobra nan no por wanta mas e huma, y cu e bus tin wanta eyan mas cu mei ora largo (5.55 na e momentonan ey).

E chofer a contesta e pasajero cu pa 5.40 a sali un bus pabao. E pasajero a bise cu esey no ta e caso pasobra e mes tin mas cu mei ora ta warda. E chofer a insisti cu si a manda

bus pabao y cu por puntra e controlador.



Ora e controlador a baha trapi y bin unda tin pasajero e chofer a puntra y a su mesun sorpresa el a bisa cu e no a manda pabao ningun bus pa 5.40 p.m.

Mesora e chofer a yama tur pasajero cu ta wardando riba e bus di Palm Beach. E rij tabata enorme, y e bus a yena completamente!

Si no ta pa e pasajero cu a bay puntra un ke otro, ta Dios so sa te cuant'or e controlador lo a manda bus pabao. Cu tur certeza por bisa cu e turistanan tabata masha disgusta mes, y a papia di mal servicio den e terminal na un momento cu mester a despeha e area mas pronto posible pa evita riba e pasaheeronan e efecto fuerte di human.

Lo ta bon pa director di Arubus y tambe e hefe di operacion tene cuenta cu e articulo aki, pasobra laga e pasaheeronan tanto rato wardando bus den un circunstancia asina special, ta algo hasta inhumano!

Remote-truck di ATV a worde usa pa yuda rescata habitantenan



ORANJESTAD (AAN): Ora cu candela a start Diabierna atardi na Playa, por a nota cu tabatin diferente persona atrapa na di segundo piso, y no por baha.

E truck di TV di canal 15, ATV, tabata pasando ey-banda y a dicidi pa duna un man pa e personanan aki baha.

Como cu e distancia for di

segundo piso te abao ta basta, a pone prome un pida matras riba e truck, pa asina e personanan baha riba dje. Despues a pone un trapi tambe, pa asina yuda den e evacuacion.

JAN GAS!!



**TELEFONNAN
DI DIARIO
826747
FAX
828551**